

Festival de l'etnografia del Trentin

Ence l Museo e la Mèlga de Fascia tol pèrt a la pruma edizion de l'event endrezà dal Museo de Sèn Micel

Sarà ence i mestieres e i saores de Fascia anter i protagonisc a la pruma edizion del "Festival de l'etnografia del Trentin" che vegn endrezà ai 20 e 21 de oril a Sèn Micel.

L'event proponet dal "Museo degli Usi e Costumi della Gente Trentina" l'é na gustégola festa con esposizions, encontres coi autores, laboratories didatiches, ativitèdes artejanèles, enogastronomia, evenc de musega e bal populèr, rassegnas de film e de produzion multimediales che ge dèsc vita ai spazies del Museo de Sèn Micel.

Con l coordinament del Museo, "Etnografia del Trentin en rei" e la Rei di Ecomusees del Trentin vegn metù en mostra i desvalives lesc de enteress etnografich e sia ativitèdes: musees e colezioms, cèses-museo, molins, sies, fojines e mèlghes avertes al publiche che ensema a mèlghes e troes con testimonianzes de l'atività di

bachegn, dèsc l met de viajèr te la valèdes del Trentin a la descorida di ogec e lesc del lurier de l'om da mont.

L'Istitut cultural ladin, ensema a la Mèlga de Fascia, tolarà pèrt al Festival fajan cognoscer la neva sezion del Museo Ladin dedichèda al lurier del Malghier con degustazions de formai Cher de Fascia.

L'inaugurazion de l'event sarà doman, sàbeda ai 20, da les 11 e dapò via per dut l di se podarà tor pèrt a desvalives laboratories, anter chisc: l segnaliber de ram, co lurèr l legn, l lurier de la eves e l labororie de cojina, dai prumes piac purec de la tradizion trentina.

Da les 16.00 vegn moscià n spetàcol de poperles "I deic de fech" de Giuseppe Sebesta e da les 20.30 l'é l conzert del Cor Sant'Osvaldo de Roncegno Terme e de la Corala polifonica Cimbra de Luserna.

Ence via per la domenia sarà da



L Museo Ladin e la Mèlga de Fascia sarà a Sèn Micel con la nevas su la produzion del formai.

poder veder desvalives laboratories per veder coche se fèsc cestons, coche se majena la bièves, coche vegn metù jù l porfir, coche vegnia fat la scandoles, laboratories con

erbes e saores, fèr lesciva, fèr polenta. Da les 17.00 sarà l'esibizion del grop folk de Caran.

Via per chisc doi dis se podarà ence veder de bie film e

prejentazions de libres e fèr la vijita vidèda del Museo de Sèn Micel. Per maor informazions se pel jir tel sit www.museosanmichele.it (mci)